

ქ. ზუგდიდი

წალენჯიხის მუნიციპალიტეტის გამგებელი ბესიკ ფარცვანიას (შემდგომში „დამკვეთად“ წოდებული) სახით, ერთის მხრივ და საქართველოს შინაგან საქმეთა სამინისტროს საჯარო სამართლის იურიდიული-პირი დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო (შემდგომში „შემსრულებლად“ წოდებული), მისი უფროსის, პოლიციის პოლკოვნიკის მერაბ ლიპარტიას სახით, მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. „დაცვა“, უზრუნველყოფს წალენჯიხის მუნიციპალიტეტის გამგეობის ადმინისტრაციულ შენობაში განთავსებული მატერიალური ფასეულობებისა და საზოგადოებრივი წესრიგის დაცვას (შემდგომში „ობიექტად“ წოდებული), რომელიც მდებარეობს მისამართზე ქ. წალენჯიხა, სალიას ქ. N 5-ში.

1.2. „გადამხდელი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე-6 მუხლის მოთხოვნათა მიხედვით:

მუხლი 2. მხარეთა ვალდებულებები

2.1. „დაცვა“ ვალდებულია:

2.1. უზრუნველყოს „დამკვეთის“ ტერიტორიაზე განთავსებული მატერიალური ფასეულობების და საზოგადოებრივი წესრიგის დაცვა;

2.2. არ გაამჟღავნოს „დამკვეთის“ სამსახურებრივი საიდუმლოება;

2.3. „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;

2.4. „ობიექტის“ სპეციფიკიდან გამომდინარე განახორციელოს დაცვა ცეცხლსასროლი იარაღით ან იარაღის გარეშე;

2.5. განახორციელოს ყველა კანონიერი ქმედება დასაცავ ობიექტზე საზოგადოებრივი წესრიგის უზრუნველსაყოფად;

2.6. დაუყოვნებლივ აცნობოს სამართალდამცავ ორგანოებს დანაშაულის შესახებ და მათი მოსვლამდე უზრუნველყოს შემთხვევის ადგილის ხელშეუხებლობა;

2.7. ობიექტზე ხანძრის შემთხვევაში დაუყოვნებლივ აცნობოს სახანძრო სამსახურს და „დამკვეთს“;

2.8. შეასრულოს ხელშეკრულებაში მითითებული მოთხოვნები, ან დამკვეთის წერილობითი მოთხოვნები, რომლებიც დაკავშირებულია დაცვის საქმიანობასთან და ხელს არ უშლის „დაცვის“ მიერ თავისი პროფესიული საქმიანობის განხორციელებას;

2.9. „დაცვა“ პასუხისმგებლობას კისრულობს „დაცვის“ მიერ დაკისრებული მოვალეობების არაჯეროვანი შესრულების შემთხვევაში;

2.10. ზარალის ოდენობის განსაზღვრა მოხდება მხარეთა მონაწილეობით შედგენილი შედარების აქტით, რომელიც უნდა ეყრდნობოდეს „დამკვეთის“ საბუღალტრო დოკუმენტაციას;

2.11. „დამკვეთისათვის“ ფაქტიური ზარალის ანაზღაურებას „დაცვა“ მოახდენს ერთობლივი კომისიის დასკვნის ან სასამართლოს კანონიერ ძალაში შესული გადაწყვეტილების საფუძველზე 30 დღის განმავლობაში;

მუხლი 3. დაცვა პასუხისმგებლობას არ კისრულობს;

3.1. „დამკვეთმა“ არ შეასრულა ხელშეკრულებით გათვალისწინებული პირობები, პირველადი და შემდგომი მოკვლევის აქტის მოთხოვნები;

3.2. თანამშრომელთა პირად საკუთრებაზე, რომელიც დატოვებული იქნა დასაცავ „ობიექტში“;

- 3.3. მატერიალურ ფასეულობათა ქურდობისათვის, თუ ქურდობა ჩადენილია „დამკვეთის“ მიერ ობიექტის დაცვისათვის ჩაუბარებლობის მიზეზით;
- 3.4. „დამკვეთის“ მიერ წარმოდგენილი, მის საკუთრებაში არსებული ობიექტების ხელმძღვანელები (პასუხისმგებელი პირნი) ვალდებულია მოკვლევის აქტში მითითებული ობიექტები არასამუშაო საათებში ჩააბაროს „დაცვას“ დაკეტილ მდგომარეობაში.
- 3.5. განახორციელოს პირველადი და შემდგომი მოკვლევის აქტების მოთხოვნათა შესრულება და იზრუნოს „დაცვასთან“ ერთად ობიექტის დაცვის სრულყოფისათვის;
- 3.6. „ობიექტის“ მთლიანობის დარღვევის შემთხვევაში არ შევიდეს მასში „დაცვის“ თანამშრომლების გარეშე და არ დაიწყოს მატერიალური ფასეულობათა აღწერა;
- 3.7. შეუქმნას „დაცვას“ დაცვის განხორციელებისათვის აუცილებელი პირობები;
- 3.8. „დაცვას“ 10 დღით ადრე აცნობოს და მასთან შეთანხმებით გადაწყვიტოს „ობიექტზე“ მოსალოდნელი ყველა ის ცვლილება, რომელიც შეეხება დაცვის უსაფრთხოებას (ობიექტის დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო მასალების წარმოება და ა.შ.);
- 3.9. „დაცვის“ თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს „დაცვას“;
- 3.10. „დამკვეთს“ ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებიც განსაზღვრული არ არის მოკვლევის აქტით;

4.1. „დამკვეთი“ ვალდებულია

- 4.1.1. განახორციელოს პირველადი და შემდგომი მოკვლევის აქტების მოთხოვნათა შესრულება და იზრუნოს „დაცვასთან“ ერთად ობიექტის დაცვის სრულყოფისათვის;
- 4.1.2. „ობიექტის“ მთლიანობის დარღვევის შემთხვევაში არ შევიდეს მასში „დაცვის“ თანამშრომლის გარეშე და არ დაიწყოს მატერიალური ფასეულობათა აღწერა;
- 4.1.3. შეუქმნას „დაცვას“ დაცვის განხორციელებისათვის აუცილებელი პირობები;
- 4.1.4. „დაცვა“ 10 დღით ადრე აცნობოს და მასთან ერთად შეთანხმებით გადაწყვიტოს „ობიექტზე“ მოსალოდნელი ყველა ის ცვლილება, რომელიც შეეხება დაცვის უსაფრთხოებას (ობიექტის დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო სამუშაოების წარმოება და ასე შემდეგ);
- 4.1.5. „დაცვის“ თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს დაცვას;
- 4.1.6. „დამკვეთს“ ეკრძალება დამატებით ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა რომლებიც განსაზღვრული არ არის მოკვლევის აქტით;

5. ფორს-მაჟორი

5.1. მხარეები თავისუფლდებიან წინამდებარე ხელშეკრულებით გათვალისწინებული ვალდებულებების შესრულებისაგან ფორს-მაჟორული შემთხვევის დროს, რომლის დროსაც შეუძლებელია დაკისრებული მოვალეობების შესრულება;

მუხლი 6. დაცვის სახეობა, საგუშაგოთა განლაგება, საშტატო ერთეულები და დაცვის მომსახურების ღირებულება.

6.1. წალენჯიხის მუნიციპალიტეტის გამგეობის ადმინისტრაციული შენობაში მატერიალური ფასეულობებისა და საზოგადოებრივი წესრიგის დაცვას განახორციელებს ზუგდიდის დაცვის პოლიციის სამსახური 1 (ერთი) უფროსი ინსპექტორის და 5 (ხუთი) უმცროსი ინსპექტორის საშტატო ერთეულით, ინსპექტორი სამუშაო დღეებში 10:00 საათიდან 18:00 საათამდე. უმცროსი ინსპექტორები ორცვლიანი სამუშაო გრაფიკით, ცვლაში 2 (ორი) უმცროსი ინსპექტორი, 24 საათიანი სამუშაო რეჟიმით

6.2. „დაცვის“ მომსახურების ღირებულება ერთ თვეში სულ შეადგენს 4100 (ოთხიათას ასი) ლარს დ.დ.გ-ს. ჩათვლით; (1 (ერთი) უფროსი ინსპექტორი 1100 (ათას ასი) ლარი, უმცროსი ინსპექტორი 600

ლარი) 2017 წლის 01 იანვრიდან 2017 წლის 31 დეკემბრის ჩათვლით დაცვის მომსახურების ღირებულება შეადგენს 49200(ორმოცდაცხრა ათას ორასი) ლარს.
6.3. ანგარიშსწორება მხარეთა შორის მოხდება ყოველი საანგარიშო თვის დასრულებიდან მეორე თვის ათ რიცხვამდე;




მუხლი 7. ხელშეკრულების მოქმედების ვადა

7.1. ხელშეკრულება ძალაში შედის 2017წლის 01 იანვრიდან და მოქმედებს 2017 წლის 31 დეკემბრის ჩათვლით.

მუხლი 8. სხვა პირობები

- 8.1. ხელშეკრულებაში ვადის გაგრძელება და ცვლილებები შეტანილი იქნება “დამკვეთის” და “დაცვის” მხრიდან ურთიერთშეთანხმების საფუძველზე, სიტყვიერი შეთანხმებას იურიდიული ძალა არ ექნება;
- 8.2. ხელშეკრულების გაუქმება ვადაზე ადრე შეიძლება მოხდეს მხარეთა შეთანხმებით, ასევე რომელიმე მხარის მიერ ნაკისრი ვალდებულებების შეუსრულებლობის შემთხვევაში, მეორე მხარის წერილობით შეტყობინების საფუძველზე, ორი კვირის გასვლის შემდეგ, შესაბამისი დარღვევის მითითებით;
- 8.3 ორი თვის დაცვის მომსახურების თანხის გადაუხდელობის შემთხვევაში დამკვეთს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების საერთო ღირებულების 0.2 % ოდენობით.
- 8.4 დაცვის მომსახურების გადაუხდელობის შემთხვევაში დაცვა უფლებამოსილია ცალმხრივად შეწყვიტოს ხელშეკრულება და თანხის ამოღების მიზნით მიმართოს სასამართლოს.
- 8.5 ხელშეკრულება შედგენილია ხუთ პირად, რომლის ერთი პირი ინახება “დამკვეთთან”, ხოლო ოთხი “დაცვაში”;

მხარეთა რეკვიზიტები და ხელმოწერები.

„დაცვა“	“დამკვეთი”
<p>შსს სსიპ სამეგრელო-ზემო სვანეთის რეგიონალური დაცვის პოლიციის სამმართველო, ს/კ N 211350928, ქ. ფოთი, მშვიდობის ქ. N 6. მიმღები ბანკი - სახელმწიფო ხაზინა; მიმღების დასახელება - ხაზინის ერთიანი ანგარიში; ბანკის კოდი: TRESGE22; მიმღების ანგარიში/სახაზინო კოდი N 707117041</p> <p>რეგიონალური დაცვის პოლიციის სამმართველოს უფროსი:  /მ. ლიპარტია/</p> 	<p>წალენჯიხის მუნიციპალიტეტის გამგეობა ს/კ №242739248. ქ. წალენჯიხა, სალიას ქ. N 5.</p> <p>წალენჯიხის მუნიციპალიტეტის გამგებელი  /ბ. ფარცვანია/</p> 